

**Theologia Scholastica Secundum Viam Et Doctrinam D.
Thomæ Aquinatis, Doctoris Angelici**

In Celebri Archiepiscopali Benedictina Universitate Salisburgensi, methodo
& norma ibidem usitata publicè tradita, & in IV. Tomos digesta ; Qvorvm
Primvs Tractat De Deo Vno Et Trino, Deq[ue] Creatura Angelica ...

Mezger, Paul

Augustæ Vindelicorum, 1695

§. II. Distinctio numerica ex interruptione actûs.

[urn:nbn:de:hbz:466:1-74152](#)

De distinctione peccatorum.

203

distincta, quod singuli habebant in suam vitam & membra, violavit.

Ratio est. Malitia actus attenditur secundum ordinem ad objectum rectae rationi dissonum: unde, ubi est specifica diversitas objectorum, ibi reperitur specifica diversitas peccatorum: ergo pari modo, ubi reperitur individualis distinctio objectorum, similiter reperitur individualis distinctio peccatorum.

1. Dices primò. Voluntas dandi elemosynam 10. pauperibus, non habet tot distinctas numero bonitatis: ergo etiama voluntas occidendi, vel spoliandi 10. homines non habet distinctas 10. malitias. Secundò. Non posset determinari, quorū malitias haberet actus, quo quis veller extinguere integrum familiam, vel evertēre integrum currīm, in quā sunt multi homines, quorū tamen numerus determinatus ignoratur. Tertiò. Sequeretur, quod voluntas occidendi infinitos homines contraheret infinitas malitias. Quartò. Sequitur, auferentem 100. aureos committere 100. peccata mortalia.

Respondeo ad 1. Si in voluntate dandi 10. elemosynas intendatur una solum honestas, ita ut numerus accipientium se tantum per accidentem habeat, tunc fore unam simpliciter & formaliter bonitatem, æquivalenter tamen multiplicem, si quidem ipsa æquivaleret 10. largitionibus elemoynarum. Si tamen per se & directè intenduntur singula honestates largitionum, tunc & bonitatem fore formaliter multiplicem, quia honestas directè, non autem indirectè volita suam bonitatem refundit in actu, prout dixi in sup. Tract.

Ad 2. Respond. tot fore individualiter distincta peccata, quot sunt personæ illius familie non invincibiliter ignorare: tot quippe sunt objecta malæ voluntatis per se completa & integra, quot sunt personæ, quibus vult mortem inferre. Nec referi, quod illa in una domo, aut familia contineantur; nam si in illa domo vel familia esset mater delinquentis, & diverse personæ etiam Clericales non invincibiliter ignorare, illa voluntas contraheret etiam specie distinctas malitias contra pietatem parentibus debitas, & contra virtutem religionis.

Dices: Qui gregem ovium abigeret, non ideo committeret tot peccata, quot sunt oves, qui comburit totam domum, non committit tot peccata, quot sunt partes domus: ergo neque is, qui vult occidere totam familiam, habet tot malitias distinctas, quot sunt personæ, cùm & ipse sint partes unius familie.

Respond. negando consequentiam: Nam familia tantum est una fictione juris, quæ unitas non tollit, quo minus qualibet persona habeat ius completere distinctum à jure alterius in suam vitam. Atquin domo, gregi, acervo nummorum, &c. partes omnes ita sunt aggregatione unum, ut in singulis non reperiatur aliquid ius speciale, & completum, quale est in singulis hominibus.

Ad 3. Respond. Cū infinitas personatum non nisi syncategorematice apprehendatur in intellectu; idcirco ejusmodi actum, quo aliquis exultinimis hominibus nocere, tantum contra-

here malitiam interpretativè & æquivalenter infinitam. Ad 4. negatur sequela ex dictis: quia centum aurei bene possunt coalescere in unam pecunia sumam, non autem distincta hominum jura, quæ per homicidium v. g. violantur,

§. II.

Distinctio numerica ex interruptione actus.

CONCLUSIO 2. Voluntas peccandi moraliter interrupta causat distinctionem individualis in peccatis tam internis, quam externis. Ita communis DD.

Ratio est: Tunc peccata numericè multiplicantur, cùm destruitur moralis unitas ipsorum: sed quoties voluntas peccandi moraliter interrumptur, toties destruitur illorum moralis unitas: ergo. Minor probatur. Mutato principio, à quo actus tam interni quam externi in suo esse moral & voluntario dependent, mutantur moraliter ipsi actus: sed tale principium est voluntas: ergo mutata voluntate mutantur actus voluntarii sive interni, sive externi. Subsumo. Atqui per moralem interruptionem mutatur & distinguuntur individualiter actus voluntatis: ergo similiter mutantur & distinguuntur ceteri actus sive interni, sive externi, qui suum esse moral ab actu voluntatis derivant.

Si petas, quandonam censi debet voluntas 4. moraliter interrupta? Respond. Quando actus voluntatis nec in se formaliter, nec in aliquo effectu virtualiter, nec in prudenti hominum existimatione moraliter perseverat. Id porrò contingit multipliciter. Primò cùm successivè ponuntur plures actus circa plura objecta complete & totaliter distincte, ut si, postquam percussisset Petrum, percutias Paulum. Secundò, cùm prior voluntas revocatur, aut per paupertatem retrahatur. Tertiò, cùm quis deliberatè voluntate cessavit ab aliquo actu, veluti si quis morofam delectationem ex aspectu foeminae conceptam, voluntariè deferat, & postea sive ex longo sive ex parvo intervallo repeatat. Dixi, si quis voluntariè deferat; nam, si indelibertè ex aliqua distractione animum alio divertat, & mox ad eandem delectationem redeat, censembitur unum numero peccatum. Quarto, cùm inter plures actus nullo voluntatis praecedentis effectu inter se conexos tantum temporis intercedit, ut prudentum iudicio discontinuari censemantur: non enim qualibet interruptio physica actum in genere moris discontinuat; ita prandium moraliter non interrumptur per lectionem novorum, brevem scriptiōnem litterarum, aut alterius negotii expeditionem: neque Missa per horariam concionem: neque recitatio Breviariorum per brevem interlocutionem &c. Quintò, si actiones externe ad se invicem subordinationem aut dependentiam habent: ita impudicii tactus fornicariam copulam praecedentes, & ex ipsis intentione assumpti non constituant distinctum peccatum ab ipsa fornicatione, quia ad ipsam tanquam partes & dispositiones ordinantur, & explicato peccato fornicationis, etiam ipsi sufficienter intelliguntur. At si exerceantur absque intentione fornicandi, etiam postea sequatur fornicatio, constituant

R. P. Mezg. Theol. Schol. Tom. II.

C. C.

distinctam

distinctam malitiam imperfectam molitiae in confessione specialiter exprimendam. Similiter tandem copulam consequentes constituant distinctum peccatum specialiter in confessione exprimendum, quia non ex natura rei, sed malitia operantis copulam consequuntur, suntque dispositions ad novam fornicationem.

§. III.

Corollaria practica ex dictis.

¶ Colliges ex dictis primò. Solam temporis unitatem, vel primam voluntatem non sufficiat habitualem perseverantiam non sufficiere ad constituendam unitatem numericam inter etiam voluntatis internum, & opus externum: alias quippe qui primo anni die habuisset voluntatem furandi, eamque non retractatam ultimo anni die expleret, committeret unum numero peccatum; quod est prudentum existimationi contrarium.

¶ Colliges secundò. Quamvis per se loquendo ad confessionis integratatem requiratur, ut presentes exponat probabilem numerum peccatorum internorum, quæ solā interruptione & repetitione voluntariā multiplicantur, ut v. g. odii interni, morosæ delectationis, cùm tamē propter nimiam frequentationem ejusmodi actuum saperet impossibile illorum peccatorum numerum inire: ideo juxta communem doctrinam penitentem satisfacere, si moram temporis in confessione explicet, quā fuit versata in statu habituato ad similia peccata, v. g. si quis dicat, se per annum, tot & tot menses, vel hebdomades odium & iniuriam contra aliquem gestisse, & quoties asperitus vel memoria ipsius occurrit, actus odii eliciuisse. Si meretrix dicat, se tot & tot annis quantum meretricium cum cuiusvis generis hominibus promiscuè exercuisse, &c.

¶ Colliges tertio. Quamvis mora temporis per se loquendo pertineat ad circumstantias mere aggravantes, quæ secundum probabilem sententiam non necessariò sunt explicandas in confessione; tamen si quis longiori temporis spatio in aliquo peccato interno se hæsisse existimat, consultissimum esse [ut moneret Cardin. de Lugo de Sacra pœn. disp. 16. sect. 4.] ut probabilem moram temporis in confessione exprimat; quia perdifficile est, ut homo longiori tempore ita sit defixus in unum aliquod objectum, quin aliquando plena libertate ab ejus cogitatione, affectu quoque discedat.

¶ Colliges quartò. Cùm malitia moralis in actu voluntatis toties multiplicetur, quoties opus volitum est multiplex: ideo in confessione expoundam esse probabilem objectorum pluralitatem, e. g. si habuisti voluntatem tota Quadragesimā non jejunandi, non satisfacis, te simpliciter accusando de voluntate non jejunandi, una enim omissione jejunii cum altera nullam habet moralem connexionem. Nec formina satisfacit, si dicat, se habuisse animum carnaliter peccandi, si se pluribus voluit prostituere. Si conjugatus peccat cum conjugata, exprimere debet circumstantiam conjugata, quia non tantum violatus suæ conjugis, sed etiam mariti illius, cùm cuius uxore peccat, quæ sunt jura & objecta distincta. Ita si

pluribus scandalum dedisti, vel injuriam detrahendo, furando, &c. intulisti, exprimendus est probabilis numerus, cùm singularum personarum iura, vel detrimenta nullam inter se habeant moralē connexionem.

Colliges quintò. Non necessariò expontendum esse numerum illorum actuum exterritorum, qui ex una voluntate peccaminola circa idem objectum, & intra eandem speciem repetuntur: ut si ex uno impetu ira: ejusdem speciei blasphemia, contumelia, &c. circa eandem perforam, vel eodem tractu plura falsa juramenta supercedem repetantur.

Colliges sextò. Sacerdotem in statu peccatoris scienter plurium confessionis succellere excipientem, tot committere sacrilegia, quo penitentes absolvit, cùm enim singulorum penitentium confessio & absolutio constituit unum integrum & completem Sacramentum penitentia, tot pariter sunt distinctæ sacrilegia administrationes Sacramenti. Nec obstat, quod Sacerdos cādem intentione, fine, loco, situ, & tempore continuato istas confessiones audiat: hac quippe omnia nequaquam sufficientia ad tribuendam illi administrationib⁹ penitentia unitatem moralē, cùm ex parte objecti nulla sit conexio & coordinatio, alias qui in pugna in iusta plures successivè occideret, qui cādem nocte & leto cum pluribus feminis carnaliter peccaret, qui in Nativitate D. tres Missas in statu peccati mortali consequenter legeret, unum tantum mortale peccatum committeret.

Dices: Hinc sequitur, quod Sacerdos in statu peccati mortali simul unā consecratione consecrans mille hostias, committat mille peccata mortalia, cùm qualibet hostia consecrata sit integrum & completem Sacramentum Corporis Christi. Item, quod pluribus dispensans sacram Eucaristiam in statu peccati, toties peccaret, quod suis communicantes: sed hoc videtur absurdum: ergo.

Respond. negando utramque sequelam. Et ad 1. dico, objectum consecrationis est materia consecrabile, supra quam hic & nunc verificantur demonstrativa voces, hoc est, hic est, &c. Hæc autem materia est una, etiam ex pluribus particulib⁹ aggregetur. Nec refert, quod illæ particulae post consecrationem proper divisib⁹ specierum dici possint multa Sacra; esto enim sunt multa ut in facto esse, non tamen sunt multa, prout considerantur in fieri, seu quantum substantia unius eidemque actioni consecrata, cuius unitas à temporis & significations unitate desumitur: neque consecratio ex multicollate hostiarum contrahit novam deformitatem & repugnantiam cum virtute religionis.

Ad secundam sequelam Respond. Dispensationem S. Eucharistie se habere sicut distributionem ciborum in convivio, que sive multis, sive paucis convivis exhibeat, tamdiu servat suam unitatem, quamdiu tempus convivandi, & ceterum convivales moraliter non interrupuntur: atqui actio judicialis, qualis est sacramentalis absolutio penitentis, completer & absolvitur, quoties super reum sententia pronuntiatur; cùm ergo, quot penitentes absolvuntur, tot pronun-